

فيديو ٥٤٩ من مقاطع حظر التجول تدبر سورة الأنعام - الحلقة

٢٣ الآيات ٥٢١-٧٢١

فاضل سليمان

السلام عليكم ورحمة الله وبركاته. اهلا بحضراتكم في المقطع رقم تسعمية خمسة واربعين من مقاطع حظر تجول والحلقة الثانية والثلاثون من حلقات تدبر سورة الانعام اقرأ معي ان شئت الايات مية خمسة وعشرين الى مية سبعة وعشرين - [00:00:01](#)

دي الايات اللي هنتدبرها الليلة باذن الله اقرأ معي اعوذ بالله السميع العليم من الشيطان الرجيم فمن يرد الله ان يهديه يشرح صدره للاسلام ضيقا حرجا كأنما يصعد في السماء - [00:00:27](#)

كذلك يجعل الله الرجس على الذين لا يؤمنون وهذا صراط ربك مستقيما. قد فصلنا الايات لقوم يذكرون لهم دار السلام عند ربهم وهو وليهم. وهو وليهم ما كانوا يعملون. تمام - [00:00:58](#)

بعد ما ربنا كلمنا عن المهتدين وعن المصريين على ضلال رغم الايات اللي جاءتهم كلها وشبه لنا الايمان بعد الكفر بالحياة بعد الموت لو تفتكروا ايات امبارح الاية مية اتنين وعشرين او من كان ميتا فاحييناه وجعلنا له نورا يمشي - [00:01:33](#)

به في الناس يعني اللي كان كافر وربنا احياه بالايمان وجعل له نورا الشريعة يمشي بها في الناس حتى لا يصطدم بالناس. وشفنا الاصرار العجيب على الكفر رغم ذلك. حتى ان ربنا اكد على هذا الاصرار بانه لو نزل كل الملائكة وكل معجزة - [00:01:59](#)

ففي الدنيا برضو لا يمكن هيومنوا لو تتفكروا الاية الاية مية وحداشر. ربنا قال فيها ولو اننا نزلنا اليهم الملائكة وكلهم الموتى. الملائكة وكلهم الموتى وحشرنا عليهم كل شيء قبلا ما كانوا ليؤمنوا الا - [00:02:23](#)

ا ان يشاء الله وشفنا ان الايمان والكفر قرار الانسان بيتخذه بمحض ارادته وبحريته بدون اكراه من احد لا على الكفر ولا على الايمان ربنا بقى في الاية مية خمسة وعشرين دلوقتي بيوصف - [00:02:47](#)

الشعور اللي في قلب المؤمن والشعور اللي في قلب الضال الكافر بقى معي تاني مية خمسة وعشرين وشف الشعور اللي في قلب كل واحد بيبقى عامل ازاى فمن يرد الله ان يهديه يشرح صدره للاسلام - [00:03:04](#)

ومن يرد ان يضلعه يجعل صدره ضيقا حرجا كأنما يصعد في السماء الصدر المقصود به باطن الانسان داخل الانسان. يعني الشعور الداخلي اللي ربنا يريد انه يهديه انه اختار طريق الايمان - [00:03:24](#)

ربنا بيجعله يشعر يشعر بانشرع الصدر في داخله. اتساع يشعر بالراحة الداخلية بالهدوء بالسكينة بالرضا وفي نفس الوقت اللي ربنا يريد ان يضلعه لان هو اللي اختار الكفر ربنا اراد الهداية للناس كلها ولكن اراد ان الناس تختار بحرية ايضا - [00:03:46](#)

فاللي هيختار الكفر ويصر عليه ربنا اراد ان هو ده اللي يضل فاللي اختار الكفر او كفر بنعمة الله خلي بالك برضو مش كل ما نقرا كلمة كفر نفتكر انها ما تخصناش - [00:04:09](#)

لأ في مسلمين بيكفروا النعمة اللي اصر على الكفر سواء الكفر بالله او كفر النعمة ربنا بيجعل يجعل شعوره الداخلي الشعور بالضيق ضيق الصدر وكأنه بيتعصر عصر هذا الشعور بالضيق - [00:04:23](#)

الشديد بيظل يزداد تدريجيا ده شعور ما لوش دعوة بحالة الانسان المادية ممكن غني من الاغنياء من اغنى الاغنياء ملياردير يشعر بهذا الضيق الشديد. جدا ويبقى مستعد يدفع اي تمن عشان يتخلص من ضيق الصدر. وعندنا احنا حلقات يعني انا في حلقة عملتها في ذكرى وعبرة عن ناس - [00:04:42](#)

من اغنى الاغنياء هنا في انجلترا منهم واحد صديقي الملك شارلز كان ومنهم واحد ثاني برضو كان مليونير عنده ستة وثلاثين آ سنة وعنده عشرات الملايين من من الجنايات الاسترليني - [00:05:09](#)

وواحد رمى نفسه تحت التروماي تحت المترو والثاني اطلق على نفسه النار في عيد الكريسماس ايه اللي يخليه يعمل كده بس مش يستمتع بالقصور وبالسيارات وبالكلام ده كله لأ هو عنده ضيق صدر شديد عايز يتخلص منه باي شكل - [00:05:27](#)

وممكن شخص فقير متعشي خبز حاف يشعر بانسراح الصدر وبالرضا لو عرف الاغنياء ما يشعر به هذا الفقير هيقاقلوه عشان ياخدوا منه هذا الشعور. فشوف بقى كده كلام ربنا فمن يرد الله ان - [00:05:46](#)

يهديه يشرح صدره للاسلام. الصدر بينشرح للاسلام وبالاسلام الصحابة سألوا النبي عليه الصلاة والسلام بعد نزول هذه الآية عن انشراح الصدر. انشراح الصدر ده يا رسول الله قالوا يا رسول الله - [00:06:03](#)

كيف يشرح الله صدره للاسلام؟ يعني ايه ربنا يفتح صدر واحد وعملية ده ولا ايه قال رسول الله صلى الله عليه وسلم يدخل فيه النور فينفسح نور الوحي يدخل في الصدر - [00:06:21](#)

يعني في نفسية الانسان في داخل الانسان فينفسح يتسع من اشعار الدكتور القرضاوي رحمة الله عليه وكان شاعر عظيم يعني من ضاقت الدنيا به وسعته سورة الانشراح لما الدنيا تضيق بك ستجد متسع لو الدنيا كلها مش مش سايعاك. مش مش طايقاك - [00:06:41](#)

ضاقت عليك اقرأ الم نشرح لك صدرك فالصحابه قالوا وهل لذلك علامة يعرف بها يا رسول الله؟ يعني النبي قال اذا دخل النور الصدر انفسح وقال علامة خطيرة بقى ازاى نقدر نعرف النور دخل الصدر ولا لأ - [00:07:04](#)

قال العلامة ايه بقى الانابة الى دار الخلود والتنحي عن دار الغرور والاستعداد للموت قبل الفوت ركز في المعنى ده يعني ايه الانابة الى دار الخلود؟ دار الخلود هي الآخرة؟ - [00:07:27](#)

الانابة الى الدار الآخرة يعني الانسان في الدنيا يركز على الاعمال اللي تنفعه في الآخرة والتنحي عن دار الغرور. دار الغرور هي الدنيا ليه؟ ما هو ربنا قال في سورة ال عمران وفي سورة الحديد بس انتم بتنسوا - [00:07:48](#)

وما الحياة الدنيا الا متاع الغرور. غرور يعني خداع مش حقيقية فالرسول عليه الصلاة والسلام قال الانابة الى دار الخلود. يعني نركز على الاعمال بتاعة الآخرة والتنحي عن دار الغرور يعني التنحي عن الدنيا. يعني عدم التركيز على الاعمال التي تزيد الانسان في ماديته - [00:08:07](#)

الدنيا من اجل الدنيا وهنا ارجو من الآخرة اللي فهموا التربية الايمانية غلط وظنوا انها تحت الانسان على الزهد الكامل في الدنيا وترك الدنيا وترك العمل وترك جمع المال لأ - [00:08:34](#)

المقصود هو عدم العمل وجمع المال من اجل الدنيا مطلوب ان المسلم يعمل ويجمع المال من اجل الآخرة لما ربنا يأمرنا باخراج الزكاة. هنخرجها ازاى واحنا لا نملك المال. يعني تخيل كده المسلمين كلهم يزهدوا ويبقوا ايه؟ في الدنيا ويتركوا العمل ويبقوا كلهم مستحقين - [00:08:50](#)

للزكاة امال مين اللي هيدفع ويطلع الزكاة وفي الآخر نقول اللي بيطلع الزكاة واوحش واحد فيهم؟ لأ طبعاً وربنا يأمرنا بجمع المال والعمل من اجل الآخرة المقصود هو ان تكون الدنيا في ايديك مش في قلبك - [00:09:10](#)

والتنحي عن دار الغرور والاستعداد للموت قبل الفوت قبل ما نفوت نفوت الدنيا استعداد للموت يكون بالاثنتين دول. العمل من اجل تحصيل السواب في الآخرة. وترك العمل للدنيا من اجل الدنيا مع بعض - [00:09:29](#)

الاستعداد للموت قبل الفوت يبقى ان الانسان يذكر نفسه ان الموت قريب لسة من اسبوع مغني شاب في فرنسا وقع من طوله وهو بيغني على المسرح بدون اي مقدمات بدون اي مقدمات مات - [00:09:48](#)

مغني فرنساوي الموت قريب ما فيش حاجة اسمها دي نقطة بقى. الشيطان بيضحك على الواحد ازاى؟ بطول الامل قل له الواحد يبقى مش عايز يعمل المعاصي عشان ما يموتش وهو على معصية يقول له يا عم انت تموت ايه؟ انت عندك كم سنة - [00:10:07](#)

خمسین! طب ما انت ابوك مات عنده سبعین. يعني انت لسة قدامك عشرين سنة! وانا ما لي ومال ابويا مين قال ان كل واحد بيموت في سن ابوه فالشیطان يفضل یمني الانسان ویزود الامل انه عایش لسه - [00:10:25](#)

اقرا معي تاني مية خمسة وعشرين. فمن یرد الله ان یردیه یشرح صدره للاسلام ومن یرد ان یضله یجعل صدره. ضيقا حرجا كأنما مش یصعد یصعد في السماء الایة دي فیها اعجاز علمي - [00:10:38](#)

مین كان یعرف من الف وربعمية وخمسین سنة ان كل ما الانسان صعد في السماء واقترب من الغلاف الجوي على ارتفاع عشرات الکیلو مترات فوق الارض هیشعر بضيق في الصدر وصعوبة شديدة في التنفس عمالة تزيد شوية شوية بسبب قلة الاكسجين وانخفاض الضغط الجوي - [00:11:00](#)

الطيارات اللي بنركبها دي فیها اجهزة بتعادل الضغط الجوي. عشان الركاب یقدروا یتنفسوا. انت لما تكون معك ازازة بلاستيك وتبقى مقفولة لما بتنزل بتلاقیها مطبقة لان في فرق ضغط - [00:11:21](#)

هي دي النقطة وبعدين ربنا ما قالش كأنما یصعد في السماء لأ قال لك كأنما یصعد بالتدریج. اذا ضيق الصدر بیزید تدریج كل ما الانسان صعد في السماء. اذن للرسول علیه الصلاة والسلام. ولا كان في حد من الصحابة - [00:11:37](#)

كانوا آآ اسمه ایه ده رواد فضاء. ما حدش فیهم طلع في الفضاء. طیب كذلك یجعل الله الرجس على الذین لا یؤمنون. بالطريقة دي ربنا بیرسل عذابه على الذین لا یؤمنون. عذاب فین؟ فینا عذاب؟ عذاب نفسي - [00:11:54](#)

هو یا جماعة كلمة العذاب ما فیش الا عذاب جسماني بس لازم یكون فیة حریق ونار وبتاع ابداء. ضيق الصدر ده عذاب. العذاب النفسي اشد واقوى وافزع من العذاب الجسدي - [00:12:14](#)

ساذج اللي یظن ان العذاب في الآخرة مقتصر على الحرق بالنار بقى. لأ ده یبقى ساذج الواحد وهو بیقرأ الکلام ده طبعا یعنی یعنی بیشعر اقول لك على حاجة ایه دلیل انه العذاب النفسي هنا في الدنيا حتی العذاب النفسي اشد من العذاب الجسدي - [00:12:29](#)

واللي بینتحرده بینتحر لیه؟ یعنی الراجل اللي رمى نفسه في ده عندنا هنا هو في لندن تحت عجلات القطر. رمى نفسه لیه؟ هو مش عارف ان القطر هیسبب الم شدید جدا وهیفرمه فرم - [00:12:47](#)

طب ایه اللي خلاه عنده الجرأة الشديدة دي؟ ایه الشجاعة الفظیعة دي مش شجاعة هو یرید ان یتخلص من الم اكبر الم نفسي. فمستعد یعاني من الم جوز جسدي عشان یتخلص من هذا الم النفسي - [00:13:03](#)

طبعا دلوقتي احنا عمالین نقرا الکلام دوه عمالین نخاف الواحد وهو بیقرأ الکلام ده عمال یشعر بالخوف. طب یا رب اروح فین عشان اكون في الامان من هذا العذاب القرآن بقى قرأ افكارك - [00:13:18](#)

لان خلق القرآن کتاب یقرأك قبل ان تقرأه فالقرآن راح لاحقك بالایة مية ستة وعشرين وقال لك ایه وهذا صراط ربك مستقيما قد فصلنا الايات لقوم یتذكرون. اهو الطريق اهو. خایف الطريق اهو - [00:13:35](#)

طریق ایه صراط ربك مستقيما عارفين قيمة ان الطريق یبقى صراط ومستقیم في نفس الوقت یا جماعة احنا بنقرا كم مرة ورینا كم مرة في حیاتنا؟ اهدنا الصراط المستقیم. وما احناش فاهمین معناها. مش مش مش مقدرین قیمتها. انت لما تبقى نازل رایح - [00:13:55](#)

مشوار. ایه اکثر حاجة بتقلقك قبل ما تنزل؟ من الطريق خایف ان یكون زحمة صح؟ حلو اوي زحمة یعنی مزدحم زحام شدید. عشان بس الاخوة اللي مش مصریین یعنی انت خایف الطريق یبقى مزدحم - [00:14:16](#)

هتبقى محتار هل تتفادی الزحام وتاخذ الطريق الدائري الطريق الدائري ده طریق طویل لكن مش زحمة فالمعادلة بتاعة ان الطريق یبقى قصیر وسالك وماشي في نفس الوقت دي تحقیقها مش هتنزل بقى الساعة اربعة الصبح وبتاع عشان تبقى كده. لكن معادلة مش سهلة - [00:14:33](#)

كلمة صراط یعنی طریق واسع یسع الكل وكلمة مستقیم اقصر نقطة بین آآ اسف. اقصر طریق بین اقصر مسافة بین نقطتین. الخط المستقیم. مش خدنا دي في المدرسة؟ اهو یبقى مستقیم یعنی اقصر طریق - [00:14:53](#)

الصراط يعني اسرع طريق لانه طريق واسع كده ايه الناس ماشية فيه علامتين في كيلو في الساعة يعني اه يبقى صراط ربك مستقيما يعني طريق ربك السالك القصير في نفس الوقت. المعادلة اللي صعب تحققها في الدنيا. اقصر الطريق الى الله واسرع طريق الى الله. هو - [00:15:15](#)

طريقه هو شوفوا شوفوا اهمية التدبر. كم مرة قرينا اهدنا الصراط المستقيم واحنا مش مقدرين معناها الصراط يعني واسع وسالك وكمنا مستقيم يعني قصير ايوة ، اذا دعوت عظيما تطلب عظيما. انت بتطلب من ربنا اطلب اكبر حاجة - [00:15:35](#)
انتم مسلا دلوقتي خلاص دلوقتي احنا دلوقتي عايزين الامان من عذاب يوم القيامة ده صح هذا الصراط يسعكم جميعا وهو مستقيم يعني كمان واضح. خلي بالك المستقيم واضح. ما هو اللي فيه كرب اللي بيلفل ده بتبقى مش شايف منه فلازم تهدي لكن ده - [00:15:56](#)

استقيم وواضح وسريع وقصير. وهذا صراط ربك مستقيما فصلنا الايات لقومي يذكرون. ربنا وضع هذه الايات فصلها الدال على الصراط بس مش هيستفيد منه الا اللي بيذكر مش بيذكر يذكرون يعني يفكروا أنفسهم - [00:16:14](#)
بيعمل كده ريسات كده للايه؟ للذاكرة بتاعته ويفتكر يفتكر ايه؟ كل ما تيجي كلمة يذكروه نفتكر العهد اللي بينك وبين الله اللي مكتوب في الدي ان ايه بتاعك مكتوب في كل خلية من خلايا جسمك - [00:16:42](#)
فترة الانسان ان هناك خالق وان عليه ان يشكره ويعبده. فين الكلام ده؟ الاعراف مية اثنين وسبعين وانت مغمض. كل كل ما تيجي يا تذكرون يذكرون افتكر العهد واذا اخذ ربك من بني ادم من ظهورهم ذريتهم واشهدهم على انفسهم - [00:16:59](#)
الست بربكم؟ قالوا بلى. شهدنا ان تقولوا يوم القيامة انا كنا عن هذا غافلين اللي ما حضرش التدبر بتاع الاية دي يروح يفتحها في تدبر سورة الاعراف. واحنا عدينا سورة الاعراف - [00:17:23](#)

دي مهمة جدا. ده معناه ان في فترة كل انسان انه يشهد على نفسه بوجود الخالق لذلك في رأيي يقول ان ربنا لن يعذب احد طبعنا الا اذا ارسل رسول - [00:17:40](#)

هذا على الايمان بالاسلام على الدخول في دين ربنا انما هناك رأي وانا اؤيد هذا الرأي ان الايمان بل بوجود الله الرسول بتاعه هو المخ وعقل الانسان. اذا كان انسان عاقل عليه ان يؤمن بوجود الله - [00:17:54](#)
منتهي الامر طبعنا في خلاف في ده بس انا انا مع هذا الرأي طبعنا طيب لان خلي بالك من حاجة مش بقى فطرة الانسان تشهد على ذلك ايات ربنا سواء الايات الكونية يعني الشمس القمر النجوم الشجر او ايات الوحي زي القرآن والتوراة والانجيل - [00:18:14](#)
او الايات اللي هي المعجزات اللي نزلت عصا موسى ناقة صالح ده للي رآها طبعنا. كل هذه الايات بتعمل ايه؟ بتذكر الانسان بالعهد المكتوب في فطرته اللي هيتذكره هذا العهد - [00:18:37](#)

فقط هم اللي هينجوا من عذاب يوم القيامة ولا في حاجة كمان يعني بس هينجو من عذاب يوم القيامة؟ لأ. ده لسة فيه بقشيش. فين ؟ اقرا مية سبعة وعشرين. لهم دار السلام عند ربهم وهو وليهم - [00:18:53](#)
قم بما كانوا يعملون لهم الجنة. من اسماء الجنة دار السلام دار غير بيت بيت هو الضار اللي الانسان بيبيت فيه. يعني كلمة بيت تطلق على غرفة النوم كمان فهي - [00:19:10](#)

يعني من البيتوتة محدودة ضيقة. بس مكان المبيت انما دار يعني موطنه. تطلق على المنزل تطلق على المدينة تطلق على البلد كلها داره في سورة الاعراف ربنا بيقول عن قوم صالح ايه؟ اللي هم ثمود - [00:19:26](#)
قال عنهم فاخذتهم الرجفة فاصبحوا في دارهم جائمين. معقول كل الناس كانت ساكنة في بيت واحد؟ لأ دارهم يعني وطنهم تمام طيب طبعنا بقى لما نقول دار فلان وليكن مسلا شخص مليونير - [00:19:43](#)

انا رايح النهاردة هتعشى في دار فلان الفلاني ده شخص كبير مليونير غير لما اقول انا رايح النهاردة يعني بيدي لك شعور بان فيه فخامة شديدة فكلمة دار بتستمد القدر بتاعها من هي دار مين بالضبط - [00:20:10](#)
دار مين لكن لو دار شخص بسيط بيشتغل موزف حكومي صغير انت بتتخيل برضو ان الدار من جوة بسيطة شوية ممكن تكون

مفتقرة لبعض الاساسيات كمان لكن لما نقول دار السلام والسلام من اسماء الله الحسنى - [00:20:30](#)

ازا هي دار الله تخيل بقى فيها ايه لهم دار السلام. طب ليه ما قالش دار الله وخلاص؟ عشان العقل اه دلوقتي في مرحلة نفسية

محتاج فيها الامان. ما احنا قلنا بعد الكلام عن العذاب ربنا يريد انه يؤمنك. فيقول لك هذا صراط ربك - [00:20:48](#)

تقيما ده هيناجيك من العذاب وكمان يجيب لك دار السلام. السلام يعني السلامة السلامة من المخاطر من العيوب فكلمة السلام اسم

من اسماء الله بتقول لك ان هي دار الله. تخيل بقى الفخامة بتاعتها والنعيم اللي فيها والنعيم اللي فيها - [00:21:07](#)

وفي نفس الوقت هي دار يأمن فيها الانسان يأمن من اسوأ شئ من ضيق الصدر المتدبر للقرآن كمان بيبحث عن السلام والسلام معناه

السلامة من الخطر والضرر والنقص. فذكرها باسم دار السلام هو ده اللي انت بتبحس عنه اصلا كمتدبر للقرآن - [00:21:27](#)

فيها سلامة الانسان الانسان لا يخاف فيها آ ما فيش فيها الا النعيم. السلام السعادة. طب الواحد لما يكون له حاجة متشالة له بس لسة

ما اخدهاش يبقى قلقان طب هي مع مين؟ احسن اللي متشالة معه يطمع فيها. لا ما تخافش عليها. لهم دار السلام عند ربهم. دي عند

ربهم - [00:21:50](#)

خلقها لهم اصلا يريد انه يدخلهم الجنة اصلا ليه؟ هو وليهم. ما هو وليهم. هو وليك هو اللي بيرعاك. هو اللي خالقها لك عشان يدخلك

فيها. فما تخافشي. وعد ربنا جاي - [00:22:17](#)

ان وعد الله ات. ودي هناخدنا في حلقة من الحلقات القادمة ايشا في نفس السورة. لهم. خلي بالك بقى من حاجة كمان. هي اصلها

دار السلام لهم وخبر لكن لا تم تقديم لهم الاول - [00:22:36](#)

تم تقديم الخبر لهم دار السلام هي اصلها دار السلام لهم لما بنقدم الخبر ده اسمه اسلوب قصر. لو تفكروا فيه تدبر الفاتحة قلنا نعبك

ولا قولنا اياك نعبك قدمنا الخبر قلنا اياك نعبك ليه؟ نعبك تقبل العطف عليها نعبك ونعبك فلان. نعبك والاصنام - [00:22:49](#)

والملائكة نعبك والمسيح والعياذ بالله طبعاً. لكن اياك نعبك اسلوب قصر. لهم دار السلام. لكن دار السلام لهم وللمجرمين وللكافرين. اه

تقبل العطف لكن لا. لهم دار السلام قصر عليهم - [00:23:21](#)

لا يستحقها غيرهم صح؟ طيب اه كل ده ليه؟ هو وليهم اللي بيحبهم قلنا الولي جاي من فلان يلي فلان يعني جنبه فوليك يعني

نصيرك اللي بينصرك عن قرب لانه قريب منك. انه بيحبك - [00:23:39](#)

لكن مصير انت ممكن تبقى ماشي في الشارع تشوف واحد بيضرب واحد فتخش تنصره تدافع عنه من غير ما تعرفه لكن الولي بيبقى

نصير بينصرك لقراة او لحب لعلاقة بينك وبينهم - [00:24:02](#)

ربنا هو وليك الجنة دي هياخدوها، جزاء ايه؟ العمل اللي عملوه لهم دار السلام عند ربهم وهو وليهم بما كانوا يعملون. هنا بقى في

نقطة خطيرة جدا هل ده بيتناقض مع حديث النبي صلى الله عليه وسلم - [00:24:14](#)

اللي قال فيه لا يدخل احدكم الجنة بعمله ربنا بيقول لهم دار السلام عند ربهم وهو وليهم بما كانوا يعملون. والنبي قال لا يدخل احدكم

الجنة بعمله. قالوا ولا انت يا رسول الله - [00:24:36](#)

قال ولا انا الا ان يتغمدني الله برحمته يعني رحمة ربنا هي اللي بتدخل الانسان الجنة. مش العمى بتاع الانسان بس الاية بتقول العمل.

هل ده تناقض مش واخذ بالك احنا وانت بتتدبر انت بتألف شبهات كمان - [00:24:55](#)

وبترد عليها؟ لأ عمل الانسان لا يكفي لدخول الجنة لكنه ممكن يكفي انه يجلب رحمة ربنا فاذا رحم ربنا رحمتنا ادخلنا الجنة. يبقى

العمل دي خطوة اولى بيحب رحمة ربه بتقف تقوم الليل. هل قيامك ليل ده هيكفي شكر نعمة البصر؟ لأ لوحدها مش هيكفيها -

[00:25:13](#)

لكن قيامك ليل ممكن يكفي انه يجيب لك رحمة ربنا فلما ربنا يرحمك يدخلك الجنة. يبقى سبب دخول الجنة آ لانه سبب نزول

الرحمة العمل ممكن يكون مش كفاية لدخول الجنة لكنه ممكن يكفي لاستجلاب الرحمة. اسأل الله انه يجعل هذه الحلقات سببا في

رحمته لنا - [00:25:39](#)

وسببا في دخولنا جميعا الجنة باذن الله. اللهم انا نسألك حبك وحب من يحبك. وحب كل عمل يقربنا الى حبك. اللهم ما رزقنا ما

نحب فاجعله قوة لنا فيما تحب. وما زويت عنا مما نحب فاجعله فراغا لنا فيما تحب - [00:26:02](#)

اللهم اجعل حبك احب الينا من اهلينا واموالنا ومن الماء البارد على الظمأ اللهم حبيبنا اليك والى ملائكتك وانبيائك ورسلك وعبادك

الصالحين واجعلنا ممن يحبك ويحب ملائكتك وانبيائك ورسلك وعبادك الصالحين - [00:26:22](#)

اللهم احي قلوبنا بحبك. واجعلنا لك كما تحب. اللهم اجعلنا نحبك بكل قلوبنا ونرضيك بكل اجسادنا. اللهم اجعل حبنا كله لك وسعينا

كله في مرضاتك. اللهم اجعل انا الكريم ربيع قلوبنا ونور صدورنا وجلء احزاننا وذهاب همومنا وغمومنا ومغفرة ذنوبنا - [00:26:44](#)

اسأل الله العلي العظيم ان يجعل هذا التدبر في ميزان حسناتي وحسناتكم جميعا اللهم فاطر السماوات والارض عالم الغيب والشهادة. انت تحكم بين عبادك فيما كانوا فيه يختلفون فبحق كل حرف في كتابك تلوناه او تدبرناه اكفنا واهلينا واخواننا واخواتنا شر كل من

- [00:27:13](#)

اكيد لنا ولهم واحفظنا واياهم من شرورهم ونجعلك اللهم في نحورهم فانت الوكيل ولا حول ولا قوة الا اللهم بحق كل حرف في

كتابك تلوناه او تدبرناه ايد بنصرك المرابطين في الارض المباركة فلسطين. اللهم - [00:27:41](#)

سدد رميهم وخيب رمي عدوهم وتقبل شهدائهم وكن مع اخواننا في تركستان الشرقية وفي الشام وفي كشميرا وفي الهند وانصر من

نصرهم كل من خذلهم وطهر المسجد الاقصى من الدنس فانهم لا يعجزونك. واكتب لنا يا ربنا ختم القرآن فيه. اللهم - [00:28:02](#)

انك تعلم ان هذه القلوب قد اجتمعت على كتابك وعلى محبتك. والتقت يا ربنا على طاعتك وتوحدت على دعوتك وتعاهدت على

نصرة شريعتك فوثق اللهم رابطتها وادم ودها واهدها سبلها واملاها بنورك الذي لا يخبو. واشرح صدورها بفيض - [00:28:22](#)

الايمان بك وجميل التوكل عليك. واحياها يا ربنا بمعرفتك. وامتها يا مولانا على الشهادة في سبيلك انك نعم المولى ونعم النصير.

وصل اللهم وسلم على سيدنا محمد وعلى اله وصحبه ومن تبع هداة. والسلام عليكم ورحمة الله ونروح لكم غدا باذن الله -

[00:28:47](#)

نفس هذا الموعد ان كنا من اهل الدنيا - [00:29:07](#)